

Las Annalas èn accessiblas sin internet

■ (cp) Suentar che las Annalas da la Societad Retorumantscha han survegèni l'onn 2010 in register online (www.annalas.ch), cumpara ussa l'entira retscha da las Annalas online per diever gratuit dad in e scadin sut l'adressa retro.seals.ch. En il rom da l'exposiziun «Sapperlottas! Dialects da la Svizra» en la Biblioteca naziunala svizra a Berna (dals 8 da mars fin ils 25 d'ost 2012) è quella sa purschida da digitalisar l'entira retscha da las Annalas e da la metter online per diever gratuit sin la pagina retro.seals.ch. Sclaussas da la versiun online èn mintgamai las duas ultimas annadas publicgadas en furma da cudesch. Gia dapi il 2010 exista in register da las Annalas online (www.annalas.ch).

Questa nova purschida avra novas pussaivladads per consultar las Annalas da la Societad Retorumantscha. Cunquai che la digitalisaziun è vegnida fatta a moda profunda, han ins ussa la pussaivladad da tschertgar noziuns en l'entir corpus da texts da tut ils toms da las Annalas. La tschertga dal num «Caspar Decurtins» per exempel furnescha 104 resultats, cun in sulet clic cuntansch'ins la pagina correspudenta che cuntegna la noziun tschertgada. Igl è pussaivel dad arcunar ils singuls artitgels en furma da PDF sin l'agen computer ed uschia era da stampar quels a chasa.

Institut dal DRG, Ringstrasse 34, 7000 Cuir, 081 254 70 10, info@drg.ch, www.drg.ch.
Ans visitai era sin facebook: www.facebook.com/Dicziunari.



Fanestra cun la survista dals artitgels en tom 1 da las Annalas da la Societad Retorumantscha.



Fanestra cun ils resultats da la tschertga "Caspar Decurtins" en las Annalas da la Societad Retorumantscha.